



Notat

Dato: 18.03.2018
Arkivsak: 2014/10532-33
Saksbehandlar: ROABREI

Til: Fylkesrådmannen

Frå: Roald Breistein

Partsbrev - Kurs i regi av Deloitte i 2018

Kontrollutvalet gjorde m.a. slikt vedtak i sak PS 23/28 «Kurs i regi av Deloitte i 2018» i møte 12.03.2018:

- Kontrollutvalet ber om at sekretariatet tar opp med administrasjonen om dei ønskjer å nytte noko av kurskvoten.*

Påskrift frå sekretariatet:

Oversyn over kurs som Deloitte kan tilby ligg ved. Eit slikt kurs vil normalt ha ein varighet på 2 timar. Det er også mogleg å ta opp med Deloitte om dei kan tilby kurs innan andre områder der det kan vera behov.

Vi ber om å få tilbakemelding innan 23.04.2018 om administrasjonen ønskjer å nytte seg noko av kurskvoten.

Kopi til:
ØKONOMI - OG ORGANISASJONSAVDELINGA
Deloitte AS

Arkivnr: 2014/10532-31
 Saksbehandlar: Roald Breistein

Saksframlegg

Saksgang

Utval	Saknr.	Møtedato
Kontrollutvalet	23/18	12.03.2018

Kurs i regi av Deloitte i 2018

Bakgrunn for saka

Hordaland fylkeskommune valde Deloitte som revisor med verknad frå 1.7.2012. I kontrakten som er inngått går dette fram av vedlegg 1 Kravspesifikasjon punkt 4:

«REVISOR skal leggje fram forslag om, og halde kurs for kontrollutvalet sine medlemmar eller for medarbeidarar i fylkesadministrasjonen. Tema skal avtalast ved det einskilde høve. Omfang skal reknast til 2 kursdagar per rekneskapsår.»

I tilbodet frå Deloitte punkt 3.2.8 går det også fram m.a. dette:

«Deloitte gjennomfører årleg ei rekkje kurs innanfor eit breitt spekter av faglige tema. Desse kursa vil nøkkelpersonar frå fylkeskommunen vederlagsfritt kunne delta på. Slike kurs kan eksempelvis omfatte nyhende innan avgift og rekneskap, aktuelle problemstillingar innan sentrale tenestoområde og/eller tema knytt til dømes til effektivisering, interkommunalt samarbeid, verktøy og metodar.

Deloitte vil også forplikte seg til å setje opp 2 kursdagar per rekneskapsår i tråd med konkurransegrunnlaget. Tema vil avtalast ved det einskilde høve.

Deloitte kan utover dette også halde andre kurs for kontrollutvalet eller fylkeskommunen innan ei rekkje tema. Vederlag vil bli avtalt i kvart tilfelle.»

Drøfting

I 2016, 2017 og hittil i 2018 har det vore gjennomført desse kursa innan kurskvoten:

- Samfunnsansvar og antikorrupsjon
- Kurs for innkjøpsansvarlege i fylkeskommunen
- Bestilling og oppfølging av forvaltningsrevisjonar
- Bestilling av forvaltningsrevisjon

- Lov om offentlege anskaffingar, inkl. kontraktsoppfølging
- Habilitet

Vedlagt følgjer Deloitte sine forslag til aktuelle kurs som kan vera aktuelle å halde for kontrollutvalet og/eller administrasjonen i Hordaland fylkeskommune. I oversikten går det fram at dei kan tilby kurs innan:

- Samfunnsansvar og korrupsjon
- Lov om offentlege anskaffingar
- Merverdiavgift og merverdiavgiftskompensasjon
- Habilitet
- Kontrakts- og leverandøroppfølging
- Ny kommunelov, når den ligg føre
- Utvalde tema knytt til forvaltningsrevisjon og selskapskontroll basert på mellom anna kontrollutvalsboka
- Innføring i kommunerekneskap
- Avstemming av rekneskapen
- Pensjon
- Innberetning av løn
- Skiljet mellom driftsrekneskapen og investeringsrekneskapen
- Andre rekneskapsmessige problemstillingar

Er det andre tema kontrollutvalet ønskjer å ha kurs innan kan dette diskuterast med Deloitte. Det kan også vera føremålstenleg å spørja om administrasjonen ønskjer å nytta noko av denne kurskvoten og om det kan vera andre tema enn dei som står i kursoversikten til Deloitte som er ønskjelege. I tillegg vil dei verta invitert med på dei kursa kontrollutvalet arrangerer. Det normale til no har vore at slike kurs har hatt ein varighet på 2 timar og at dei har vore halde i samband med eit kontrollutvalsmøte.

Konklusjon

Sekretariatet tilrår at kontrollutvalet diskuterer kva kurs dei vil at Deloitte skal gjennomføre utover i 2018. Kontrollutvalet bør også spørja om administrasjonen ønskjer å nytta noko av kurskvoten. Vidare bør utvalet be sekretariatet ta seg av alt det praktiske med organisering, kunngjering og avvikling av kursa.

Forslag til vedtak

1. Kontrollutvalet ber om at Deloitte gjennomfører kurs innan 05.06.2018
2. Kontrollutvalet ber om at Deloitte gjennomfører kurs innan 19.11.2018
3. Kontrollutvalet ber om at sekretariatet tar opp med administrasjonen om dei ønskjer å nytte noko av kurskvoten.
4. Sekretariatet vert beden om å ta seg av alt det praktiske med organisering, kunngjering og avvikling av kursa.

Saksprotokoll i kontrollutvalet - 12.03.2018

Handsaming i møte

Det kom fram ønskje om kurs innan:

- Ny kommunelov
- Resten av kvoten vert tilbydd administrasjonen.

Etter dette går punkt 1 ut og punkt 2 – 4 vert endra til 1 – 3.

Samrøystes vedtak.

Vedtak

1. Kontrollutvalet ber om at Deloitte gjennomfører kurs innan ny kommunelov 19.11.2018
2. Kontrollutvalet ber om at sekretariatet tar opp med administrasjonen om dei ønskjer å nytte noko av kurskvoten.
3. Sekretariatet vert beden om å ta seg av alt det praktiske med organisering, kunngjering og avvikling av kursa.

Hogne Haktorson
kontrollsjef

Roald Breistein
utvalgssekretær

Dokumentet er elektronisk godkjent og har derfor ikkje underskrift.

Vedlegg

- 1 Deloitte - Kurstilbod 2017